



ROVVILTNEMNDA I REGION 1

Vest-Agder, Rogaland, Hordaland og Sogn og Fjordane

Adresseliste pr epost

Dykkar ref:

Vår ref:
2013/12146

Arkivnr.:
433.52

Dato:
04.06.2014

Vedtak om kvotefri jakt på gaupe og lisensfelling av ulv og jerv i region 1 i perioden 2014/2015

Rovviltnemnda vedtok på møte 02.06.2014 lisensfelling av 1 ulv og 8 jerv i heile Region 1. Disse vedtaka blir også lagt ut på Miljøvedtaksregisteret <http://www.miljovedtak.no/> og på vår heimeside www.fylkesmannen.no/rogaland.

Alle jegerar plikter å sette seg inn i vilkåra for jakt og felling.

Vedtak

Kvotefri jakt på gaupe

Rovviltnemnda opner for kvotefri jakt på gaupe i heile Region 1. Jakttid er 1. februar til 31. mars 2015. For utøving av jakta gjeld reglane i viltlova med tilhøyrande forskrifter.

Felling eller forsøk på felling skal så snart som råd meldast Fylkesmannen. Felte dyr skal framsynast til Statens naturoppsyn for prøvetaking m.v. med opplysning om kjønn, alder, tidspunkt for felling og fellingsstad.

Fangst av gaupe skal utøvast etisk forsvarleg og i samsvar med reglane for bruk av fangstreidskap. Bruk av bås krev godkjenning av Fylkesmannen.

Rovviltnemnda kan til ein kvar tid gjere om vedtaket dersom ny informasjon ligg føre.

Lisensfelling av jerv

Rovviltnemnda opnar for lisensfelling av jerv i perioden 10.09.2014 – 15.02.2015. Til saman kan det fellast 8 jervar i heile Region 1. Irregulær avgang eller skadefelling gjennomført etter nemnda/DN sitt vedtak blir belasta kvoten.

Oppdatert informasjon om kvote blir lagt ut på tlf. 51568900. Alle jegerar pliktar å halde seg orienterte om kvoten som er att.

Postadresse:
Rovviltnemnda i region 1
c/o Fylkesmannen i Rogaland
Miljøvernavingdelinga
Postboks 59
4001 Stavanger

Leiar for rovviltnemnda:
Noralf Distad
Postboks 53, 5741 Aurland
Telefon: 91374976
noralf.distad@sfj.no
<http://www.fylkesmannen.no/rogaland>

Sakshandsamar:
Anders T. Braa, viltforvaltar
Telefon: 51568914
anders.braa@fmro.no

Felt dyr skal straks meldast til Fylkesmannen og kommunen. Felt dyr skal synast fram for Statens Naturoppsyn for kontroll. Den som skyter på jerv utan at han blir felt plikter å melde frå straks til Fylkesmannen, kommune og politi. Fylkesmannen avgjer korleis det vidare ettersøket skal gjennomførast.

Hagle og rifle er tillatt ved lisensfelling på jerv. Sjå elles viltlova sine bestemmelsar for mellom anna utøving av jakt, felling og fangst (forskrift av 22.mars 2002, sist endra 16.05.2012).

Det er høve til bruk av bås til fangst av jerv dersom det etter søknad blir gitt løyve til det av Fylkesmannen.

Det er ikkje høve til å nytte snøskuter.

Lisensfelling er knytt til eigedomsretten til jakt og fangst. Løyve frå jaktrettshavar til lisensfelling er difor naudsynt.

Fylkesmennene administrerer lisensfellinga.

Lisensfelling av ulv

Rovviltnemnda opner for lisensfelling av 1 ulv i heile Region 1 i perioden 1.10.2014 til 31.03.2015.

Eventuelle uttak på skadefellingskvote blir trukke frå lisensfellingskvoten.

Jegerar plikter å gjere seg kjende med om det er ulv igjen på kvoten.

Felt dyr skal straks meldast til Fylkesmannen og kommunen. Felt dyr skal synast fram for Statens Naturoppsyn for kontroll. Den som skyter på ulv utan at han blir felt plikter å melde frå straks til Fylkesmannen, kommune og politi. Fylkesmannen avgjer korleis det vidare ettersøket skal gjennomførast.

Rifle er tillatt ved lisensfelling på ulv. Sjå elles viltlova sine bestemmelsar for utøving av jakt, felling og fangst (forskrift av 22.mars 2002, sist endra 16.05.2012).

Det er ikkje høve til å nytte snøskuter.

Lisensfelling er knytt til eigedomsretten til jakt og fangst. Løyve frå jaktrettshavar til lisensfelling er difor naudsynt.

Fylkesmennene administrerer lisensfellinga.

Felles grunngeving for alle vedtaka

Rovviltnemnda syner til at heile regionen er prioritert sone for beitedyr der det ikkje skal vere skadegjerande rovvilt. Viktigaste førebyggjande tiltak her er felling. Nemnda sine vedtak er ikkje i samsvar med innstillinga frå sekretariatet.

Når det gjeld jerv, ville sekretariatet innstilt på ei kvote på 5 dyr, dersom resultatene frå DNA-analysane var kjende på skrivetidspunktet. Jf epost frå Rovdata 30. mai er det påvist 5 individ i Indre Sogn i år som ikkje er felt, 3 hannar og 2 tisper. Dei 2 felte dyra og den som blei påkjørt av bil kjem i tillegg. I tillegg er det ein einsleg hann i sørområda i regionen.

Nemnda vil likevel auke jervekvota til 8 dyr. Grunngevinga er det høge talet på individ som er dokumentert i Indre Sogn og ubekrefta indikasjonar på ytterligare førekomstar i området. Nemnda syner elles til forvaltingsplanen for region 1 som er tydeleg på at det ikkje er ønskeleg med skadegjerande rovvilt i regionen.

Nemnda vil og opne for lisensfelling av ulv i regionen. Nemnda syner til nyleg dokumentert streifdyr i grenseområda mot Sunnmøre og mistanke om førekomst av ulv i Vest-Agder. Ulv representerer eit stort skadepotensiale, og lisensfelling kan vere eit nyttig verkemiddel for å ta ut ulv. Nemnda syner elles til hovudmålsettinga i forvaltingsplanen.

Vedtaka er etter nemnda si vurdering ikkje i strid med nasjonale mål for rovvilt eller forvaltingsmålet for artar, jf naturmangfaldlova §5.

Klage

Rovviltnemnda sine vedtak om lisensfelling og kvotefri jakt kan påklagast til Klima- og miljødepartementet innan 3 veker, jf forvaltningslova §§28 og 29. Ei eventuell klage skal rettast til Miljøverndepartementet, men sendast til rovviltnemnda v/sekretariatet, Fylkesmannen i Rogaland.

Med helsing

Noralv Distad
leiar for rovviltnemnda

Adresseliste:

Miljødirektoratet
Fylkesmennene i Sogn og Fjordane, Vest-Agder og Hordaland
Mattilsynet
SNO v/Rein Arne Golf og Jon Erling Skåtan
Bondelaga i Sogn og Fjordane, Hordaland, Vest-Agder og Rogaland
Rogaland sau og geit
WWF Norge
Foreningen Våre rovdyr
Norges miljøvernforbund
Naturvernforbundet i Vest-Agder, Sogn og Fjordane, Hordaland og Rogaland

Kopi til:

Rovviltnemnda pr epost

Vedlegg:

Saksutgreiing frå sekretariatet

Saksframlegg frå sekretariatet

Sak 07/14: Jakt på gaupe i regionen i 2015. Vedtak om eventuell kvotefri jakt.

Politiske føringar og lovverk

Desse dokumenta er lagt til grunn for saksframlegget:

- St.meld.nr. 15 (2003-2004) Rovvilt i norsk natur
- Innst.S.nr 174 (2003-2004)
- Lov av 19.06.2009 nr 100. Lov om forvaltning av naturens mangfold
- Forskrift av 19.03.2005 Om forvaltning av rovvilt
- Forvaltningsplan for rovvilt i Region 1, revidert i 2014
- Data frå overvakingsprogram for rovvilt
- Rovvilthorliket i Stortinget, Dokument 8:163 S(2010-2011) av 16.06.2011

Saksopplysningar

Gaupejakta ligg 8 månader fram i tid, og faggrunnlaget for vedtaket er noko svekka av den grunn.

Siste bestandsestimat for gaupe i landet går fram av NINA rapport 960 (2013). I 2013 er det før jakt estimert 54 - 59 familiegrupper, som tilsvarar ein bestand på 320 - 349 dyr i landet. Dette anslaget er 18,7% mindre enn prognosen for 2013 tilsa. Ny metodikk utvikla saman med Sverige gjev andre og mindre bestandstal enn tidlegare: 59 ynglingar i 2013 er redusert til 53. Rovdata sin årsrapport pr 15.05.2014 <http://www.rovdata.no/Rapporter.aspx> basert på tidlegare metodikk oppgir eit gjennomsnitt på 67 ynglingar pr år. Bestandsmålet er 65 årlege ynglingar.

70 gauper (23 hodyr) blei felt i kvotejakta i landet i år, 1 av desse i region 1.

I Region 1 er det ikkje krav om årlege ynglingar, og nemnda vil difor alltid ha mynde til å vedta gaupejakt. Etter rovviltforskrifta skal gaupejakta vere kvoteavgrensa, men det kan gjerast unnatak ved å fastsette kvotefri jakt i visse høve, jf forvaltningsplanen. Rovviltnemnda har i fleire år vedteke kvotefri jakt på gaupe i heile regionen. Jakttida er i februar og mars månader.

Vurdering

Trass i mangel på registreringar av familiegrupper, finst gaupe spreidd fleire plassar innafor regionengrensa. Sekretariatet vil rå til å halde fram med kvotefri jakt i heile regionen. Bestanden her er liten, og uttaket vil truleg uansett bli lite.

Framlegg til vedtak

1. Rovviltnemnda opner for kvotefri jakt på gaupe i heile Region 1 i 2015. jakttid er 1. februar til 31. mars. For utøving av jakta gjeld reglane i viltlova med tilhøyrande forskrifter.

2. Felling eller forsøk på felling skal så snart som råd meldast til Fylkesmannen. Felte dyr skal dessutan framsynast til Statens naturoppsyn for prøvetaking m.v. med opplysning om kjønn, alder, tidspunkt for felling og fellingsstad.

3. Fangst av gaupe skal utøvast etisk forsvarleg og i samsvar med reglane for bruk av fangstredskap. Bruk av fangstredskap krev godkjenning frå Fylkesmannen.

4. Rovviltnemnda kan til ein kvar tid gjere om vedtaket dersom ny informasjon ligg føre.

Sak 08/14: Lisensfelling av jerv og eventuelt ulv i regionen i 2014/2015. Vedtak om kvotestørleik, fellingsområde og andre vilkår.

Politiske føringar og lovverk
Tilsvarande som under sak 10/13.

Saksopplysningar

Lisensfellingsperioden for jerv er 10. september til 15. februar. Det er ikkje nasjonale mål om ynglingar av jerv eller anna rovvilt i Region 1. Rovviltnemnda har difor alltid mynde til å kunne vedta kvote for lisensfelling etter rovviltforskrifta §7. I Region 1 er det store beiteinteressar, og tiltak mot rovviltskade vil i stor grad vere ulike former for felling. Stortinget har seinast i rovviltforliket frå 2011 understreka at lisensfelling skal vere viktigaste reiskap for felling.

Det er likevel slik at også i Region 1 skal ein ta omsyn til nasjonale mål for jerv. Difor er det og krav om fastsetting av kvote. Rovviltnemnda skal legge til grunn data frå nasjonalt overvakingsprogram, SNO sin dokumentasjon av førekomsten av jerv i Region 1 og tilgrensande område i spesielt Region 3, og skadesituasjonen ved vedtak om lisensfelling på jerv (jf forvaltingsplanen pkt 8.7). Miljøverndepartementet har i handsaming av klagesaker streka under på at *”prinsippet om arealdifferensiering ikke er ensbetydende med at områder som er prioritert til beitebruk til enhver tid skal være frie for rovvilt, eller at beitedyr skal utelukkes i områder hvor rovdyr gis prioritet.”* På den andre sida seier forvaltingsplanen at rovpattedyr med skadepotensiale er uønska i regionen.

Rovviltforliket gjentar regjeringa si hovedprioritering av lisensfelling som hovedregime for uttak av jerv. Ekstraordinære uttak skal haldast så låge som råd. Samstundes er det sagt at *”i de tilfeller der lisensfelling ikke gir tilfredsstillende uttelling, skal miljøforvaltningen så langt det er mulig sørge for at resterende kvote tas ut i de områdene lisensfellingskvote er gitt. Uttak i det som av rovviltnemndene er definert som prioriterte beiteområder i de enkelte regionene blir prioritert.”* Region 1 er fullt ut definert som prioritert beiteområde.

Det nasjonale overvakingsprogrammet (rapport av 15.05.2014) estimerer ein gjennomsnittleg bestandstorleik siste 3 år for jerv på 47 overlevande ynglingar i landet. Tal frå 2014 er ikkje med i dette estimatet. Pr 15. mai i år er det registrert 42 ynglingar i landet i 2014. 7 ynglingar (3 er tatt ut) er registrert i Oppland, men ingen i nærleiken av region 1. Nasjonalt bestandsmål er 39 årlege ynglingar.

77 jerv er tatt ut i landet (pr 15.05.2014) etter 10.09.2013. 35 på lisensfelling og resten på skadefelling og hiuttak. 1 tispe er tatt ut på skadefelling i Luster og 1 hann i Sogndal. Ingen jerv blei felt på lisensfelling i sesongen 2013/2014 i region 1 av ei kvote på 6 dyr. Pr 09.05.2014 er det gjennom DNA identifisert 5 ulike jervar i Indre Sogn i 2014. 1 jerv blei kjørt i hel av bil 08.05.2014 ved Vadheim i Sogn. Det er enno ikkje kjend DNA for denne, eller dei felte dyra. Det er grunn til å tru at jervhann nr 240 framleis er i dei sørlege fjellområda i regionen. Jervebestanden i landet ligg over nasjonalt bestandsmål.

Erstatningsoppgjøret for tap av bufe til rovvilt går fram av tabellen under i form av tal tapte sau og lam som det er utbetalt erstatning for etter beitesesongen 2013. Til saman gjeld det 659 sau og lam.

	Gaupe	Jerv	Bjørn	Ulv	Kongeørn	uspesifisert
Sogn og Fjordane	15	297	0	0	56	65
Vest-Agder	0	0	0	4	36	0
Hordaland	0	0	0	0	72	0
Rogaland	3	38	0	0	66	7

Sekretariatet si vurdering

KLD sitt krav om tidleg sakshandsaming av omsyn til klage førar til at vedtak om lisensfelling av jerv må gjerast før sommerferien.

Den nasjonale bestanden ligg over bestandsmålet, men det er likevel grunn til bekymring for den sørvestlege delbestanden som region 1 er del av. Bestandsveksten her er negativ. Av 13 registrerte ynglingar her så langt i 2014 er 7 tatt ut av SNO.

På den eine sida er det viktig å ha ei tilstrekkeleg kvote for å kunne ta ut jerv på lisensfelling. Det gjeld både dei få dyra som framleis kan tenkast å ha fast tilhald innafor regiongrensa, men ikkje minst dyr som nyttar grenseområde mot Oppland og kanskje og Agder/Telemark. Jerven sin vandringskapasitet og utfordringa med å framskrive situasjonen fram til midten av februar gjer det vanskeleg å gje råd om ei talfesta kvote.

På den andre sida tilseier røynslene med lisensfelling at få dyr blir tatt ut i Region 1. Uttaket varierar mellom 0 og 1 dyr pr sesong. Restkvoten blir difor stor, og etter teksten i rovviltforliket kan ein få ein overdreve forventning om at restkvotene blir i større grad enn tidlegare styrande for Miljødirektoratet sine prioriteringar av ekstraordinære uttak. Prioriteringa vil ta utgangspunkt i aktuell førekomst og skadepotensiale ved vedtakstidspunktet. Kvotefastsetting er uttrykk for eit maksimalt forsvarleg uttak, der førekomst og skadepotensiale blir vurdert opp mot bestanden si evne til overleving på lang sikt.

Sjølv om førekomsten av jerv tilsynelatande er meir spreidd enn før, vurderar vi sjansen for innvandring framleis som størst i Indre Sogn. Det er fram til no lite som tydar på at observasjonane i sørleg del av regionen er meir enn eitt individ.

Framlegg til vedtak

1. Rovviltnemnda opnar for lisensfelling av jerv i perioden 10.09.2014 – 15.02.2015.

Til saman kan det fellast 4 jervar i heile Region 1. Irregulær avgang eller skadefelling gjennomført etter nemnda/DN sitt vedtak blir belasta kvoten.

2. Desse bestemmelsane gjeld for lisensfellinga:

- Oppdatert informasjon om kvote blir lagt ut på tlf. 51568900. Alle jegerar pliktar å halde seg orienterte om kvoten som er att.

- Felt dyr skal straks meldast til Fylkesmannen og kommunen. Felt dyr skal synast fram for Statens Naturoppsyn for kontroll. Den som skyter på jerv utan at han blir felt

plikter å melde frå straks til Fylkesmannen, kommune og politi. Fylkesmannen avgjer korleis det vidare ettersøket skal gjennomførast.

- Hagle og rifle er tillatt ved lisensfelling på jerv. Sjå elles viltlova sine bestemmelsar for mellom anna utøving av jakt, felling og fangst (forskrift av 22.mars 2002, sist endra 16.05.2012).

- Det er høve til bruk av bås til fangst av jerv dersom det etter søknad blir gitt løyve til det av Fylkesmannen.

- Det er ikkje høve til å nytte snøskuter.

- Lisensfelling er knytt til eigedomsretten til jakt og fangst. Løyve frå jaktrettshavar til lisensfelling er difor naudsynt.

- Fylkesmennene administrerer lisensfellinga

Lisensfelling av ulv

Nasjonalt forvaltingsmål for ulv er 3 årlege ynglingar i heilnorske revir innafor forvaltningsområdet på Austlandet. Måla blei nådd i 2010, 2011, 2012 og 2013. Pr 29.04 i år er det 2 usikre observasjonar av ulv frå Sogn og Fjordane. Elles er det ikkje lagt inn observasjonar frå region 1 i Rovbasen i 2014.

Vi vil difor ikkje rå til å vedta lisensfelling av ulv i region 1 slik situasjonen er no. Spørsmålet kan eventuelt takast opp på nytt på telefonmøte eller tilsvarande dersom situasjonen skulle endra seg. Lisensfellingsperiode for ulv i vår region er frå 1. oktober til 31. mars.